

ter latitudo, at navigatio illic non caret periculo.

Situs.

In hac urbe ditissimum telonium habet hoc imperium, in quo praefecti Regii magna colligunt vectigalia. jacet autem omnino ad Boream ipsius metropoleos, ad Australem partem à Quangliu monte clauditur, ad Boream & ortum ab aquis circumdata est: magnifica fana, pulchra & splendida, tum publica tum privata aedificia multa numerat: regit urbs civitates quinque, 1 Kieukiang, 2 Tegan, 3 Xuichang, 4 Hukeu, 5 Pengce. Hic tractus jam inde ab antiquis temporibus partim Regum Cu, partim U fuit; sub Cina familia eodem, quo etiamnum hodie, nomine vocitata est; Hana familia Juchang dixit, Suius Rex iterum Kieukiang, Sunga familia Tingkiang, Taiminga antiquum nomen reddidit.

Antiqua nomina.

Montes.

Tacu mons ad urbis Notapeliotem jacet, insulam in lacu efficit.

Poye mons prope Tegan, qui triginta stadia occupat, atque ad instar mœniorum magna ex parte civitatem ambit.

Quenlun mons ibidem, in quo lapis tantæ magnitudinis est, ut facile centum homines absque mutuo contactu decumbentes capiat.

Prope Hukeu mons est Xechung dictus, hoc est, lapidea campana, ad hunc quippe montem à vento agitatae atque allisæ undæ boatum ingentem emittunt.

Siäocu mons prope Pengce prorsus inaccessus est, jacet in lacu undique aquis septus, ex parte Australi exiguum habet pro navibus stationem: & in magni fluvii ripa, prope Pengce est Matang mons multarum navium naufragio infamis, nam si vel minimum à ripis aberrant nautæ, undarum vi abreptæ naves facile ad hosce scopulos allisæ franguntur in partes.

Flumina.

De fluminibus nihil hic occurrit singulare ab iis, quæ habentur in mappis.

Sexta Urbs

K I E N C H A N G.

Situs.

Spplendida ac nobilis urbs est Kienchang, Fokien Provinciæ vicina, montana, sed tamen amœna, ac fertili in regione sita est, qua quinque includit regitque civitates, 1 Kienchang, 2 Sinching, 3 Nanfung, 4 Quanchang, 5 Luki. Urbem Rex ex Taiminga familia incoluit, dignumque regali magnificentia palatium habuit, sive molem

aedificii spectes, sive splendorem; mira in eo hortorum amœnitas, magnus reliquæ suppellectilis, atque imprimis satellitii, fuit apparatus. Lacus duo urbem hanc ornant, quorum unus intra ipsa mœnia est, alter nonnihil remotior, isque extra, suarum tamen aquarum commoda ac divitias, per canales arte deductos, cum ipsa urbe communicat. In hac etiam urbe Societas J E S U vero Deo templum dicatum habuit, magnumque vidit Christianorum numerum, at modo sacerdote caret, qui inibi sedem aut domum stabilem habeat.

Heroibus dicata fana duo nobilissima *Vinum præclarum.* obtinet.

Optimus hic conficitur potus ex oryza, ipso fere vino Europæo præstantior, Macu vulgo dicitur, qui inter Sinenfes delicias haud immerito accenseri potest. Oryzam producit adeo præ reliqua totius Sinæ præstantem, ut ad ipsum Imperatorem inde deducatur; eam ob præstantiam argentea grana vocant. Ibidem præclarissimi omnis generis texuntur panni.

Fuit olim Regum Cu, sub Cina familia *Antiqua nomina.* ad Kieukiang pertinuit, sub Hana ad Juchang: Tanga familia Kienvu dixit, hodiernum nomen habet à Sunga.

Macu mons ex nominatis in Tausu libris *Montes insigniores.* ordine trigesimus sextus, quadringenta stadia occupat, jacet ad urbis occasum; prope Quanchang mons est Chunghoa, qui totus ex meris fere nudisque constat verticibus, inter quos unus solummodo virefcit, atque arboribus confitus est; in eo magnificum est idolorum fanum.

Lacus intra urbem Kinquei dicitur; qui *Flumina.* que extra urbem est, dicitur Kiao: prope Nanfung etiam lacus parvus est Vanfui.

Septima Urbs

V U C H E U.

I Ta hujus urbis territorium describit Sincus Cosmographus: montes habet spirituales, aquas amœnas, jacet inter *Situs & mœnitas.* Fokien & Quantung extrema; ea est ibi montium pulchritudo & amœnitas, ut vix quidpiam addi posse videatur; ex iis fluvii, riveque promanant, qui totam rigant regionem, unde si quæ alia, fertilitate, aërisque salubritate commendanda est. Poma aurea *Rerum copia.* optima producit, alimentorum tantam copiam, nihil ut omnino deesse ad vitam etiam laute sustentandam, queri possis; aedificia *Z* quæ